



Publicaziuns dalla vischnaunca, jamna 4

Damonda da baghegiar

Nr. 2010-1002

Publicaziun: ils 29 da schaner 2010

Il patrun: Disentis DH Club, Via Alpsu 43, 7180 Disentis/Mustér

Il representant: Viktor Andersson, Via Alpsu 43, 7180 Disentis/Mustér

Object: Nova pista da Downhill, parcella nr. 3012, Caischavedra–Sontga Catrina, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. Las protestas ston esser motivadas e suttascrettas dil recurrent ni da siu representant.

Disentis/Mustér, ils 26-1-2010

Uffeci da baghegiar Disentis/Mustér

Per ina buna collaboraziun regiunala

Posiziun en favur d'in prospereivel avegnir da SMT

La suprastonza communal da Mustér ei s'occupada cun la collaboraziun turistica sin palancau regiunal. Avon dudisch onns ein las duas uniuns da cura Mustér e Sedrun s'unidas ad ina organizaziun comunabla «Sedrun Mustér Turissem» (SMT). Las duas vischnauncas da Tujetsch e Mustér sco era ils partenaris turistics han susteniu quei process da collaboraziun da tutta forza. El senn d'ina buna coordinaziun eis ei vegniu elaborau ina lescha comunabla per igl incasso dallas taxas da cura e taxas per la promoziun dil turissem. L'execuziun da quella incarica ei vegnida surdada a SMT. Plinavon han omisduas vischnauncas exequiu comunablamein cun gronda breigia il detretschament dallas incaricas e dallas cumpetenzas denter vischnauncas e SMT.

SMT dispona oz d'ina structura consolidada e d'ina equipa habla d'exequir las differentas incaricas. Denter auter organisescha SMT numerus arranschaments, diregia in sistem da reservaziun, procura per in bien marketing ed ina vasta informaziun pils hops. Quella lavur comunabla gida a nezegiar las sinergias, augmenta l'effizienz e vegn apprezzada da hosps ed indigens.

Quella collaboraziun turistica ei secumprovada. La suprastonza communal vesa negins motivs perschuadents per ina separaziun e disfatga dalla buna collaboraziun contonschida el davos decenni. Quei ch'ei vegniu construì cun tonta breigia e cun bia stenta astgan ins buca destruir d'in mument sin l'auter. Il cuntrari: Ina separaziun ei da donn per la promoziun economica ed in fatg negativ per novs investurs. El mument vegn ei examinau differentas opziuns e sligaziuns pusseivlas per cooperaziuns futuras. Ina decisiun alla sperta davart ina separaziun ei era ord quella perspectiva deplazzada, tonpli ch'ei dat neginas alternativas concretas.

La Sursassiala collaborescha sin numerus secturs e quei aschibein dalla veta publica sco dalla economia privata. Sulettamein las pendicularas han strategias e filosofias differentas. Quei fatg exista dall'entschatta enneu ed ei negin motiv per ina sistida dalla collaboraziun regiunala. Per satisfacer a lur basegns han ins dil reminent approbau la noziun dalla «geometria variabla», q.v.d ch'ils partenaris han la pusseivladad e libertad da separticipar a singuls products ed acziuns cun autras regiuns. Ina da quellas ei il pass regiunal Surselva che gida da surmontar la munconza d'in bigliet comunabel denter las pendicularas da Mustér e Sedrun. Dil reminent ei era l'avertura permanenta dil pass Lucmagn in progress, dil qual omisduas societads profiteschan.



Ina separaziun cunterfa era a tuttas tendenzas actualas, nua ch'ins sesprova d'intensivar la collaboraziun sur ils stretgs cunfins communal ora. In bien exempel ei il Center sursilvan d'agricultura. Gest quels dis han ils purs dalla Cadi decidiu da baghegiar ina cascharia regionala a Salaplauna.

Considerond quellas necessitads ha la vischnaunca da Mustér dau en siu program d'activitad 2009–2012 in ferm accent all'intensivaziun dalla collaboraziun regionala. Quei document ei vegnius approbaus dil parlament communal e vala aschia sco directiva per la posiziun ufficiala dalla vischnaunca da Mustér.

Disentis/Mustér, ils 26-1-2010
Suprastonza communal Disentis/Mustér

Taglia alla fontauna

Tuts patruns che han giu luvriers jasters naven digl 1. da fenadur 2009 entochen ils 31 da december 2009 ein supplicai da quintar giu la taglia alla fontauna **entochen ils 31 da schaner 2010**. Plinavon ei igl import dalla taglia da pagar immediat alla cassa communal.

Uffeci da taglia Disentis/Mustér

Quellensteuer

Alle Arbeitgeber, welche vom 1. Juli 2009 bis 31. Dezember 2009 quellensteuerpflichtiges Personal beschäftigt haben, werden ersucht, die entsprechende Abrechnung **bis 31. Januar 2010** einzureichen und gleichzeitig den Quellensteuerbetrag der Gemeindekasse zu überweisen.

Gemeindesteueramt Disentis/Mustér

Controlla da habitonts

Naschientscha

Elia-Maurin Murer, naschius ils 17 da schaner 2010, fegl da Murer naschida Fatzer Ursina e Flavio.

Mortori

Gion Antoni Columberg, naschius ils 14 d'avrel 1932, morts ils 22 da schaner 2010.

Pumpiers Sursassiala

Reglaments da menaschi e salarisaziun

Preziai pumpiers,

gia in onn ei la corporaziun Pumpiers Sursassiala en funcziun. La collaboraziun ei vegnida intensivada ed als exerchezis e seracass digl onn 2009 eis ei vegniu lucra fetg bein ensemen. Ils reglaments da menaschi e da salarisaziun han stuiu vegnir adattai suenter in onn. Ins ha fatg pintgas midadas suenter in onn d'esperienza. Quei pertucca era il reglement da salarisaziun e da castitgs. Per informaziun sa mintgin retrer ils reglaments giud la pagina d'internet sut: www.pumpiers-sursassiala.ch. Secapescha san ins era retrer ils reglaments directamein dil cumandant Gion Tenner. Plinavon dattan era las administraziuns communalas bugen a Vus quels reglaments sin damonda.

Per Vies zun grond engaschi engrazia la suprastonza dils Pumpiers Sursassiala a Vus grondamein. Sperond sin in onn 2010 cun paucs seracass ed ina buna cuntinuaziun dalla collaboraziun per nossa segirtad cumineivla.

Suprastonza Pumpiers Sursassiala



Alarm d'emprova

Tenor communicaziun digl Uffeci per la protecziun civila e gl'agid en cass da catastofas dil Grischun ha liug en l'entira Svizra **mesjamna, ils 3 da fevrer 2010**

allas 13.30/14.00 uras alarm general
allas 14.15 uras alarm d'aua

Ei setracta d'alarms d'emprova tier ils quals ei vegn examinau d'ina vart sche las sirenas funcziun-schan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta. Aschinavon ch'il signal «alarm general» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar il radio DRS 1, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 uras. In tun bass interrut regulau che cuoza sis minutas. La populaziun sto interpreter neginas mesiras. Igl alarm d'aua vegn ins ad udir mo el territori nua ch'ei sesanfla lags da fermada. Dils plans cul territori periclitau sa vegnir priu investa tier l'administraziun communal. Aschinavon ch'il signal «alarm d'aua» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau.

Ulteriuras indicaziuns e reglas ein d'anflar sin las davosas paginas el cudisch da telefon, sut «Alarm dalla populaziun en cass da prighel acut».

Bien engraziament per Vossa capientscha.
Suprastonza communal Disentis/Mustér

Uniun da dunnas Mustér Mummas cun affons pigns *Suentermiezdi da scursalar a Sax*

Mesjamna, ils 3 da fevrer 2010 ein tuttas mummas cun affons pigns ed era ils affons cun fargliuns envidai a vegnir a scursalar. Nus s'entupein allas 14.00 uras avon l'ustria Sax.

Annunzias pren Karin Albrecht sut tel. 081 947 43 71 bugen encunter entochen igl **1. da fevrer 2010**.

Sin Vossa participaziun selegran
mummas cun affons pigns Mustér

Secziun da catschadurs Péz Alpetta Mustér *Radunonza generala*

Venderdis, ils 29 da schaner 2010 allas 20.15 uras el hotel Sax. Tractandas:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Prelecziun ed approbaziun dil protocol
5. Rapport dil president, actuar e cau da material



6. Rendaquen dil cassier (incl. Menaschi center da tir a Sars sut), rapport dils revisurs ed approvaziun dil quen annual
7. Fixaziun dil regulativ da taxas e da contribuziuns
8. Elecziuns da commembers da suprastonza ed ulteriurs funcziunaris (president, cassier, cau da tgira, caus starlieras, 1 revisur, webmaster)
9. Elecziuns dils delegai allas radunonzas regionalas e cantunalas
10. Rapport dallas cumissiuns
11. Orientaziun ed approvaziun dil program da lavur
12. Honoraziuns
13. Recepziun da commembers novs ed abdicaziuns
14. Varia

Cordiala invitaziun
en num dalla suprastonza, il president: Clemens Berther

Uniun da gimnastica UGM
Invitaziun alla radunonza generala

Venderdis, ils 5 da fevrer 2010 allas 20.00 el hotel Sax.

Cordialmein envida
la suprastonza

Uniun samaritana Mustér

Nies εμπrem exercezi meinsil digl onn niev ha liug:

gliendisdis, ils 8 da fevrer 2010 allas 20.00 uras en casa da scola, Cons.

Selegronnd sin ina stedia participaziun envida
la presidenta

Uniun samaritana Mustér
Cuors: Agid d'urgenza tier affons pigns
(Nottfälle bei Kleinkindern)

2 sondas suentermiezdi, ils 20 e 27 da fevrer 2010 mintgamai dallas 13.30–17.30 uras

Il cuors sedrezza a mummas e babs, tattas e tats ed a tut quels che han da far cun affons pigns.

Ulteriur sclariment ed annunzias entochen ils **10 da fevrer 2010** tier: Yvonne Flepp, tel. 081 947 50 35, e-mail: yvonne.flepp@kns.ch

Club da troccas Mustér

Sera da dar troccas per in e scadin mardis, ils 9 da fevrer 2010 el hotel Furka a Mustér.

Quella sera ei publica per tut tgi che ha interess da dar troccas. Novizs ein era beinvegni.
Sentupada allas 19.30 uras.

Cordialmein envidan
Gion Michel Flepp, Romeo e Marco Schmed



Colonna d'agid Mustér
Invitaziun al proxim exercezi

Datum: Mesjamna, ils 3 da fevrer 2010
temps: allas 20.00 uras
Tema: Reiver e tschentar novas rutas
Liug: Halla da reiver el Center da sport e cultura Mustér
Il parsura: *Alexi Dermon*

Sera da tscheiver 2010 – gidonters

Per la sera da tscheiver dils 13 da fevrer 2010 a Mustér essan aunc sin la tscherca da gidonters. Tgi che havess interess da segidar cun Las Bagordas e cun l'Uniun da tscheiver Mustér ei supplichaus da s'annunziar entochen **mardis, ils 2 da fevrer 2010** tier Roland Cajacob sut info@lasbagordas.ch ni tel. 079 465 00 77. Era lavur parziala ei pusseivla. L'indemnisaziun finanziala ei dependenta dil temps da lavur.

Engraziel fetg!

Uniun da tscheiver Mustér
Las Bagordas, Mustér

Uniun Ludoteca Mustér
12. radunonza generala

Venderdis, ils 5 da fevrer 2010 allas 20.15 el local dalla ludoteca. Tractandas:

- Beinvegni
1. Elecziun d'ina dumbravuschs
 2. Protocol dalla 11. radunonza generala dils 12-6-2009
 3. Rapport dalla presidenta
 4. a) Rapport dalla cassiera
b) Rapport dallas revisuras
 5. Elecziuns: presidenta, revisuras
 6. Program da lavur
 7. Varia

Tuttas famiglias e persunas che possedan in abbonament dalla Ludoteca Mustér ein automaticamein era commembers dall'uniun ed entras quei envidai alla radunonza generala. Ei vegn tarmess neginas invitaziuns.

In cordial beinvegni
La suprastonza dalla Ludoteca Mustér



Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
